

जस गीत

अंतरा 1

ज्योति कलश नाचे नाचे जंवारा

दाई के होथे जय जयकारा

ज्योति कलश नाचे नाचे जंवारा

दाई के होथे जय जयकारा

ढोल नंगारा बाजे, बाजे मृदंगा संगी

लंगुरे नाचत हे दुआर

नरियर सुपारी धर के दिया अउ थारी धर के

चलो गाबो जी मंगलचार

अंतरा 2

ममता के छाव मैया, तोरे दुआरी,

महिमा हाबे ओ तोर अपार

ममता के छाव मैया, तोरे दुआरी,

महिमा हाबे ओ तोर अपार

सबके बनाये दाईं भाग चमकाये दाईं

मोरो लगादे बेड़ा पार

नरियर सुपारी धर के दिया अउ थारी धर के

चलो गाबो जी मंगलचार

ये महामाई, चल दीदी गाबो मंगलचार

चल दीदी चल चल बहिनी, चल भैया जाबो गा

माता रानी के दरबार, नरियर सुपारी धर के

दिया अउ थारी धर के, चलो गाबो जी मंगलचार

ये मोर भैया चलो गाबो जी मंगलचार

ये मोर दीदी चलो गाबो जी मंगलचार

ये मोर संगी चलो गाबो जी मंगलचार

ये मोर भैया चलो गाबो जी मंगलचार